

## ურთიერთთანამშრომლობის მემორანდუმი

ქ. ბათუმი

07 ივლისი, 2022 წელი

### პრეამბულა

ერთი მხრივ სსიპ - ბათუმის ხელოვნების სასწავლო უნივერსიტეტი (შემდგომში „უნივერსიტეტი“), წარმოდგენილი რექტორის, მაია ჭიჭილეიშვილის მიერ და მეორე მხრივ, სსიპ ხელვაჩაურის მუნიციპალიტეტის სოფელ ფერიის საჯარო სკოლა, წარმოდგენილი დირექტორის მ/შ, ლეილა დუმბაძის მიერ, ორივე ერთად „მხარეებად“ წოდებული, საქართველოში უმაღლესი განათლებისა და ზოგადი განათლების სფეროში მიმდინარე რეფორმების ძირითადი პრინციპების განხორციელების მიზნით, თანხმდებიან თანამშრომლობაზე შემოქმედებით, სამეცნიერო-კვლევით და აკადემიურ საკითხებში.

ურთიერთთანამშრომლობა ხელს შეუწყობს:

- შემოქმედებითი, სამეცნიერო კვლევისა და აკადემიური განათლებისათვის აუცილებელი მატერიალურ-ტექნიკური რესურსების ეფექტურად გამოყენებას;
- საშემსრულებლო და თეორიული მიმართულების სპეციალისტთა მიერ კონსულტაციების, მასტერკლასებისა და სხვა სასწავლო-შემოქმედებითი მუშაობის ჩატარებას.

### მუხლი 1

1.1. მხარეები აწარმოებენ შეთანხმებულ პოლიტიკას კვლევისა და განათლებისათვის აუცილებელი რესურსების მოზიდვისა და სასწავლო-შემოქმედებითი სამუშაოების დაგეგმვისათვის ორმხრივი ინტერესების შესაბამისად.

1.2. თითოეული მხარის მნიშვნელოვან მატერიალურ-ტექნიკურ რესურსებს პროფესორები, მასწავლებლები და სამეცნიერო-კვლევით და სასწავლო-შემოქმედებით პროექტებში ჩართული სტუდენტები და მოსწავლეები გამოიყენებენ ურთიერთ-შეთანხმებით.

- 1.3. მხარეები გაუწევენ ერთმანეთს კონსულტაციებს და განახორციელებენ ერთობლივ სასწავლო-შემოქმედებით პროექტებს.
- 1.4. მხარეები მონაწილეობას მიიღებენ ერთობლივი პროექტების შემუშავებაში (ინფორმაციის გაცვლა, მეთოდური დახმარება და სხვა).
- 1.5. მხარეები განახორციელებენ ერთობლივ სამეცნიერო სემინარებს, კონფერენციებს, სიმპოზიუმებს, ფესტივალებს, გამოფენებს, საკონცერტო წარმოდგენებსა და სხვა პროექტებს.
- 1.6. სკოლა საკუთარი კომპეტენციების ფარგლებში ხელს შეუწყობს უნივერსიტეტის სტუდენტების პრაქტიკის გავლასა და კურსდამთავრებულთა სტაჟირებას.
- 1.7. სკოლა თავისი უფლებამოსილებისა და შესაძლებლობის ფარგლებში მონაწილეობას მიიღებს უნივერსიტეტის მისიის, სტრატეგიული განვითარებისა და სამოქმედო გეგმების შემუშავების, შრომის ბაზრისა და სხვა კვლევების პროცესში.

## მუხლი 2

- 2.1. წინამდებარე მემორანდუმში თითოეულ მხარეს შეუძლია ცვლილებებისა და დამატებების შეთავაზება ურთიერთშეთანხმების საფუძველზე.
- 2.2. მხარეთა შორის ურთიერთობათა სპეციფიკა, რომელიც არაა განსაზღვრული მემორანდუმში, რეგულირდება ორმხრივი შეთანხმებით.
- 2.3. მხარეები აძლევენ ერთმანეთს გარანტიას, რომ ისინი უპირობოდ, სრულად და კეთილსინდისიერად შეასრულებენ წინამდებარე მემორანდუმით გათვალისწინებულ ყველა პირობას.

## მუხლი 3

- 3.1. წინამდებარე მემორანდუმის შესრულებასთან დაკავშირებული სადავო საკითხები გადაიჭრება კონსულტაციების და მოლაპარაკების გზით.
- 3.2. მემორანდუმი ძალაში შედის მხარეთა მიერ მისი ხელმოწერის დღიდან და მოქმედებს მხარეთა მიერ რაიმე სხვა გადაწყვეტილების მიღებამდე.
- 3.3. ურთიერთთანამშრომლობის მემორანდუმი შედგენილია თანაბარი იურიდიული ძალის მქონე ორ ეგზემპლარად, რომელთა თითო პირები გადაეცემა მხარეებს.

სსიპ - ბათუმის ხელოვნების  
სასწავლო უნივერსიტეტის  
რექტორი, პროფესორი

*მ. ჭიჭილეიშვილი* მ. ჭიჭილეიშვილი

საქართველო, ბათუმი  
ვაჟა-ფშაველას ქ. N 32  
ტელ: +995 593 362361  
ელ. ფოსტა: info@batu.edu.ge

სსიპ - ხელვაჩაურის მუნიციპალიტეტის  
სოფელ ფერიის საჯარო სკოლის  
დირექტორი

*ლ. დუმბაძე* ლ. დუმბაძე

საქართველო, ხელვაჩაური  
სოფელ ფერიის საჯარო სკოლა  
ტელ: +995 577304240  
ელ. ფოსტა: feris.skola@gmail.com